

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র সরকারের পৃষ্ঠপোষকতায় “এশিয়ায় উন্নয়ন ত্বরান্বিত করতে ধর্মীয় ও কম্যুনিটি নেতৃত্বন্দের ভূমিকা” শীর্ষক আঞ্চলিক সম্মেলন

ঢাকা, ১৮ই মার্চ -- আগামী ২১-২৪ মার্চ অনুষ্ঠিতব্য “এশিয়ায় উন্নয়ন ত্বরান্বিত করতে ধর্মীয় ও কম্যুনিটি নেতৃত্বন্দের ভূমিকা” শীর্ষক এক আঞ্চলিক সম্মেলনে যোগ দিতে এশিয়ার চৌদ্দটি দেশের সন্তুরজন ধর্মীয় ও কম্যুনিটি নেতৃত্বন্দ ঢাকায় আসছেন।

‘যুক্তরাষ্ট্র আন্তর্জাতিক উন্নয়ন সংস্থা’ বা ‘ইউএসএআইডি’র মাধ্যমে যুক্তরাষ্ট্র সরকার এই সম্মেলনের পৃষ্ঠপোষকতা করছে। সহ-পৃষ্ঠপোষকতায় রয়েছে ‘দি এশিয়া ফাউন্ডেশন।’ এই সম্মেলনের লক্ষ্য হলো বিভিন্ন ধর্মের ধর্মীয় ও সাংস্কৃতিক নেতৃত্বন্দ, রাজনৈতিক ব্যক্তিবর্গ ও উন্নয়ন অংশীদারদের মধ্যে সংলাপ ও অভিভূত বিনিময়ের সুযোগ তৈরি করে দেওয়া। ধর্ম প্রতিমন্ত্রী অ্যাডভোকেট আলহাজ্ম মুহাম্মদ শাহজাহান মিয়া, যুক্তরাষ্ট্রের রাষ্ট্রদূত জেমস এফ. মরিয়াটি এবং প্রেসিডেন্ট ওবামার বিশেষ সহকারী ও হোয়াইট হাউসের ‘ধর্ম-বিশ্বাস ও প্রতিবেশ অংশীদারিত্ব’ বিষয়ক দফতরের নির্বাহী পরিচালক জঙ্গ্যা ডুবোয়া এই গুরুত্বপূর্ণ আঞ্চলিক সম্মেলন উদ্বোধন করবেন।

এই সম্মেলন প্রেসিডেন্ট ওবামার ‘বিশ্বব্যাপী সম্পর্ক স্থাপন উদ্যোগ’ কর্মসূচির একটি গুরুত্বপূর্ণ অংশ যেখানে যুক্তরাষ্ট্র গণতন্ত্র ও উন্নয়নকে সামনে এগিয়ে নিতে মুসলিম সংখ্যাগরিষ্ঠ দেশগুলোর সঙ্গে কাজ করতে অঙ্গীকারাবদ্ধ।

সুশাসনের উন্নয়ন, নারী-পুরুষের সম-অধিকার, স্বাস্থ্য ও পরিবার পরিকল্পনা, আয়ের সুযোগ সৃষ্টি এবং দুর্যোগ প্রস্তুতি ও সাড়া দেওয়ার ক্ষেত্রে ধর্মীয় ও কম্যুনিটি নেতৃত্বন্দসহ সমাজের অন্যান্য নেতার গুরুত্বপূর্ণ ভূমিকা সম্পর্কে সম্মেলনে অংশগ্রহণকারীরা মতবিনিময় করবেন। এই সম্মেলন ‘লিডার্স অব ইনফ্লুয়েন্স’ কর্মসূচির মাধ্যমে যুক্তরাষ্ট্র সরকার কর্তৃক গৃহীত বাংলাদেশে ধর্মীয় ও কম্যুনিটি নেতৃত্বন্দের সম্পৃক্ততা উদ্যোগেরই ধারাবাহিকতা। এ পর্যন্ত ১৫ হাজারেরও বেশি নেতৃত্বন্দ এই কর্মসূচির মাধ্যমে তাদের কম্যুনিটিতে প্রভাব সৃষ্টিকারী উন্নয়নমূলক বিষয়সমূহের ওপর প্রশিক্ষণ নিয়েছেন।

যেসব দেশ এই সম্মেলনে প্রতিনিধিত্ব করবে তাদের মধ্যে রয়েছে: আফগানিস্তান, বাংলাদেশ, কম্পুচিয়া, ইন্দোনেশিয়া, ভারত, মালয়েশিয়া, নেপাল, পাকিস্তান, ফিলিপাইন, শ্রীলঙ্কা, মালদ্বীপ, থাইল্যান্ড, তিমোর-লেস্তি এবং তাজিকিস্তান।

আরো বিস্তারিত তথ্যের জন্য <http://www.leadersofinfluence-asia.org/> ওয়েবসাইটটি দেখুন।

=====

জিআর/ ২০১০

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।